

Deo opt. max. uni & trino, Virgini Deiparæ, & sancto Lucæ orthodoxorum Medicorum Patrono.

(1656) Aug 13/6

Q V Æ S T I O M E D I C A.

Quodlibetariis disputationibus manè discutienda in Scholis Medicorum, die Jovis 18. Februarii.

M. GUIDONE ERASMO EMMEREZ, Doctore Medico, Præside.

An Sanguis in corde generatur?

COR numinis instar coluisse propè prisca Patrum nostrorum videtur ætas & eadem in corpore mania obire putavit: ac sol in hoc orbe aspectabili. Cor primum nasci voluit, calidi innati fontem perennem, præstantissimarum quarumque facultatum rectorem superbum agnovit. Cor quidam æquaverunt cum Rege & sicut Regis in proprium gregem: ita cordis in omne corpus imperium esse voluerunt. Utilitatem sanè cordis, necessitatem, dignitatem maxima esse fatemur. Sed absit reliquis corporis partes, cordis vilia credamus mancipia. Cum cæteris partibus vitæ primordia ducit, nec citius illis vitæ beneficio gaudet. Cor si ex animalis pectore extrahas, nec extrinsecus, nec intrinsecus deprehendes calidius reliquis visceribus. Natum & factum viscus à naturâ putem, ut acceptum sanguinem atterat & hinc inde spargat ad partium nutritionem. Hunc in usum donatum fuit sinibus quibus vitalem contineat liquorem fibisque constat quibus expansis panditur ostium ipsius patetque aditus liber sanguini. Cave credas ab hoc appellentis liquoris motu solo, motum cordis omnem fieri. Motus cordis certus & constans ab humorum impetu perfici totus nequit. Sed iis fidem non nisi Græcam adhibe qui chylum in corde naturam mutare suam pugnacissimè defendunt. Ur chylus in sanguinem convertatur in ipso quasi lebere cordis: dum è ventriculo manat albus, purus, sincerus ferri ad cor continuâ fluxione debet simulque in corde reperiri debent ea, quorum gratâ confusione cum chylis, chyli fiat in sanguinem optata metamorphosis.

ORDNATE fiunt quæcumque fiunt vitæ munia. Nam quæ corpora condidit, hæc eadem regit & conservat natura quasque semel figit leges iis parat, eas observat constantissimè. Sapiens hæc totius hominis custos statuit, quod ubicumque humorum coctio, secretio & excretio aliqua fieret, ibi essent vasa quæ humorem perficiendum vehant: essent & in quibus sistatur humor mutandus & quæ mutarum aliò deportent. Purpureus micat sanguis in vasis materialis seminis deferentibus. In testibus colore nativum amittit. Efferente libidine semen novum per vasa ejaculantia foras profluit. Confusum cruori serum currit ad renes, ibi direptus ac discessus ejus fit à sanguine quodcumque junctione aliquâ tenebatur. Nec mora per silibus patentes defertur in vesicam. *epidymus* naturæ gementis motus & opus est: at tamen si perficaciores anatomicos audias, hi te docebunt, aquam hanc è vasis lymphaticis extillare, colligi in glandulis & ab iis per vasculum ad cutem tacite mitti. Quem tenet in cæteris operibus ordinem, eundem in sanguinis generatione tenere debet natura. Sit itaque locus aliquis oportet, ad quem fluat recens chylus, in quo elaboratus alter statim videatur, ex quo deinde in universum corpus effundatur.

NOVITATEM deperit hæc ætas & hoc igne novitatis ardens ac propè furens, placita fermè omnia veterum Philosophorum evertit. Quæ apud priscos patres causæ rerum prædicabantur, apud plerosque rerum effectus jam audiunt. Quod mirè non idem amplius sanguis humanum corpus, ac qui aliàs irrigat. Sanguis olim mediocri, tenui, crassâ, & aqueâ parte constabat, quæ sanguinis, bilis, melancholiæ, pituitæ nomina referebat. Moles sanguinis tota, quanta est, salium fulorum nunc habetur acervus apud homines naris emunctæ & à plebe medicæ secretos. Verba quidem nova, nescio an veteribus obscuriora? In hæc dissentientium opinionum varietate mens omnibus una, quod sanguis ex chylis. Chylus ex alimentis fit quæ ab ore in stomachum delabuntur, solo calore nativo adjuvante, vix dicam. Certò asseverem præcipuè promovente. Et enim à quocumque succo dividatur cibis in ventriculo sinè caloris ope succus is omnis inens erit. Sicut fermentum in farreo sinè amicâ vi ignis langueat spiculis quasi suis destitutum. Perfectus in ventriculo chylus, ibi diutius non restitat. Sensim sinè sensu inferius ostium ventriculi subit, in amplius intestinum sinus demittitur. Atque jam jam aliquò deportandus venit, ubi quas recondit sanguis dotes, acquirit. Vide nûm niveus humor viam affectet ad superas partes & pleno velut alveo feratur in capacem sinum cordis: undè mox refluat mutato colore & nomine.

DUPLEX vasorum genus in alvo tantum observavit ætas vetus venas arteriasque à quibus sic tanquam ab hirudine chylus ab intestinis exsugeretur. Felicius ævum istud aliud vasorum genus in lucem protulit, venas lacteas vocat. Per arterias chylum ad cor migrare scripsit Aristoteles, scripsit & per venas, quod huius utriusque vasis *divaricationis* à Philosopho nesciretur. Sed quas depinxit ille vias chylis deducendo, nec oculis nec digito quis notet. Sunt qui cum Hippocrate chylum ex ventriculo ad lienem exportari velint. Hippocrati assentitur Erasistratus. Oblivione sepultam hanc sententiam renovasse visus est his sæculis posterioribus Piso. Multi cum Galeno chylum ex venis mezaraicis deducunt in hepar. Sunt qui ex lacteis venis in pancreas refundi autumant. Et ex iis alii à pancreate devehi ad jecur vel inflammet venam cavam. Alii per vas thorachicum fursûm ad subclaviam transmitti, à quâ in venam cavam cordis quæ dextrum thalamum depluat. Vas illud percelebre difficulter ut plurimum detegitur & in animalibus, quibus amplissima vasa, sæpè non occurrit: Hinc adducor ut credam, per vas illud non posse chyli molem ingentem in superas partes tolli. Quanquam autem chylus per angustam & latentem hanc semitam supera scanderet, prius confunderetur cum sanguine, quàm receptaculum cordis ab ipso madeficeret. Atque quum hæc cum sanguine confusio seu mutua conjunctio *divaricationis* sit, patrios sanguinis lares ambitu venarum definitur non cordis, quod aliundè nec purpuram impertiri chylis, nec virtutes sanguinis plurimas eidem tribuere porest. Jam verò sivè in liene, sivè in jecore, ut pluribus placet, sanguis nasci estimetur, horum opinionem *avrophia* falsi redarguit; hæc quippè constat, chylum portas jecoris aut cujuslibet visceris non occupare, nisi ante purpurascit.

SANGUINEM in parenchymate viscerum cudi & ab ipsis visceribus artificibus primò elaborari, vero minimè consonum est. Sanguine quidem saginantur partes, sanguinis succo & calore auferunt: ille verò solâ accessione chyli reparatur, amplificatur. Sanguinem in ovo vel in embryone invenies, priusquam cor, hepar, lien, conformata sint. Certum equidem est, quod motus cordis conferat ad sanguinis perfectionem. Quod sanguis ab amplo, quod ipse fecit, parenchymate jecoris foveatur, incaleat. Flius est qui patri blanditur. Repurgetur & in hepate sanguis à partibus præfervidis, amarulentis. Alias alibi sordes deponat, crassas putâ & feculentas in liene, aqueas in renibus. Quocumque rapitur vitæ lumen emissurus: ibi divitias novas comparet, ibi dotibus nobiliter clarioribus. Ad ipsius cutis ultimas oras non appellat, quin ab ambiente aëre refrigeretur aut etiam adhuc eò loci purgetur magis ac magis. Hinc laudabilis alimentum cuique parti suppeditaturus est. Sed ex eo quod sordes hic eluat sanguis, per hanc partem sic tanquam per aliquod cribrum trajiciatur: Hoc indè solum evincet, coquendam quandam artem à partibus exerceri, preparari alimenta quibus ipsæ posthæc recreentur, refocillantur.

Non ergo Sanguis in corde generatur.

DOMINI DOCTORES DISPUTATURI.

M. Claudius Quantal.
M. Joannes Robert.
M. Ludovicus Gayant, Medicus Regis ordinarius.

M. Franciscus Yegon.
M. Claudius Pylon.
M. Claudius Berger.

M. Claudius le Vasseur.
M. Nicolaus Richard.
M. Claudius Guerin.

Proponebat Parisiis CLAUDIUS QUIQUEBEUF, Parisinus, Baccalaureus Medicus. A. R. S. H. 1683.